

Publicaziun nr. 650

Primavaira 2006

Il Cussegl da la Baselgia evangelica preschenta als commembers dals colloquis ed als consistoris las suandantas tractandas ed infurmaziuns. Questas èn da tractar dals consistoris resp. a la tschentada da primavaira dal colloqui.

Cuntegn

I. Tractandas

1. Recumandaziun davart la moda d'exequir casualias pro persunas sortidas da la baselgia (214)
2. Urden da gestiun per la cumissiun da recurs (710)

II. Rapports colloquials

3. Nova structuraziun; rapport da las gruppas da lavur colloquialas
4. Provisiuns
5. Organisaziun da l'instrucziun da religiun
6. Rapport dals incumbensads colloquials per ecumena, missiun e svilup (EMS)
7. Visitaziun d'archivs

8. Lavur en la diaspora
9. Propostas per cudeschs
10. Propostas electoralas per mauns dal Cussegl grond evangelic
11. Renovaziun da la permissiun per predicatur(a)s laic(a)s
12. Novas propostas

III. Communicaziuns

13. Resumaziun dals resultats dals colloquis d'atun 2005
14. Rapport da l'incumbensada dal Cussegl da baselgia per migraziun, integraziun e fugitivs (MIF)
15. Occurrenzas colloquialas a favur dal perfecziunament da collavuratur(a)s ecclesiastic(a)s
16. Perfecziunament da trais mais
17. Collecta d'avust 2006
18. Giubileums
19. Sinoda 2006 a Grono
20. Tschernas a la sinoda
21. Spediziun dals protocols colloquials
22. Termins dals colloquis da primavaira 2006
23. Sessiuns dal Cussegl grond evangelic 2006
24. Termins dals colloquis d'atun 2006

I. Tractandas

1. Recumandaziun davart la moda d'exequir casualias pro persunas sortidas da la baselgia (214)

Situaziun da partenza

La dumonda davart la moda d'exequir casualias pro persunas sortidas da la baselgia respectivamain pro betg commembers da la baselgia, nun è betg nova. Quai demussa er il datum da las recumandaziuns valaivlas 214. En ils ultims onns però è questa dumonda vegnida adina pli actuala, e quai tras adina dapli sortidas da la baselgia ed adina dapli giavischs per casualias davart da betg commembers. Differentas raspadas han reagì a quest svilup ed han decis reglaments, p.ex. in furma da regulativs da taxas.

Ponderaziuns dal Cussegl da baselgia

Il Cussegl da baselgia ha en la sessiun d'atun dal Cussegl grond evangelic prendì si la discussiun cul referat da dr. Cla Reto Famos. Ussa supplitgescha el ils consistoris ed ils colloquis da discutir las recumandaziuns dal Cussegl da baselgia da l'onn 1988. Ensemen cun ils protocols colloquials vegnan ils resultats tramess al Cussegl da baselgia. A quel esà impurtant da savair e da valitar pli bier pussaivlas opiniuns dals consistoris, dals colloquis e dals reverendas. Per la repassada da las recumandaziuns 214 esà impurtant da savair l'opiniun da quels gremis che èn confruntads cul giavisch da casualias per betg commembers.

Las recumandaziuns fin qua

“Recumandaziuns davart la moda d'exequir casualias pro persunas sortidas da la baselgia, relaschadas dal Cussegl da baselgia als 7 december 1988 (214)

Il Cussegl da baselgia vegn mintgatant dumandà tge che consistoris e reverendas duessan far, scha persunas che èn sortidas da la baselgia, vulan far adiever da servetschs

ecclesiastics u vulan far participar lur uffants a l'instrucziun da religiun e da confirmands. Nus rinviain als reglaments legals da nossa baselgia e suttamettain las ponderaziuns dal Cussegl da baselgia sco recumandaziun ed agid per pudair decider.

1. Chaussas da princip

1.1. Tenor art.37 da la constituziun da nossa baselgia perda mintgin che sorta da la baselgia, il dretg da far adiever dal servetsch da la Baselia evangelica-refurmada dal chantun Grischun. Sch'intgin declera da vulair sortir da la baselgia, ha il consistori en mintga cas da responder en scrit e da mussar via sin quest reglament.

1.2. Tenor art.38 da la constituziun da nossa baselgia vegnan personas sortidas che fan adiever da servetschs ecclesiastics, regardadas sco reentradas. Quest reglament è evident e po esser la basa per il discurs cun ina persona sortida che giavischa in servetsch ecclesiastic. Tuttina vegn quai a dar cas nua che quest reglament sulet nu vegn betg a bastar. Davart servetschs ecclesiastics per personas sortidas da la baselgia decida en mintga cas il consistori en consentiment cul reverenda dal lieu. En tut ils cas duess l'aspect pastoral vegnir avant las consideraziuns juridicas.

2. Funeral ecclesiastic

Nus rinviain a l'ordinaziun davart il funeral en art. 14 dal reglament sur da la cumposiziun e la vita da la plaiv: Là esa scrit:

*"Er sche il defunct n'ha betg appartegni a la baselgia chantunala, po avair lieu in cult divin tar ina sepultura, sche **ses confamigliars, che appartegnan a la baselgia chantunala, giavischan quai.**"*

En quest cas duess vegnir mussà via en il discurs culs confamigliars, che la predicaziun vi da la fossa nu correspunda a la voluntad dal defunct, tgi tras sia sortida da la baselgia ha expressamain desisti da quella. Da l'autra vart stat la consideraziun che la predicaziun en occasiun d'in funeral n'è betg in servetsch vi dal defunct, dimpersè vi da ses confamigliars e vi da la raspada. A noss avis nu vegn però in servetsch ecclesiastic betg en consideraziun sche er ils confamigliars dal defunct nun appartegnan a la baselgia chantunala. Sche il

consistori sa decida per la predicaziun ecclesiastica en occasiun dal funeral d'in defunct sorti da la baselgia, alura resorta da quai nagina pretensiun da pagar suenter impostas da baselgia. Da pagar suenter impostas da baselgia tenor art. 48 da la costituziun da la baselgia vegn en consideraziun be per persunas, che entran danovamain en baselgia o che vegnan danovamain consideradas sco reentradas. Or da quest motiv na vala quest artitgel betg per in defunct.

3. Instrucziun da religiun e da confirmands

Uffants e giuvenils da geniturs che èn sortids da la baselgia chantunala prendan part adina dapli a l'instrucziun da religiun e da confirmands ensemen cun lur conscolars. En il discurs culs geniturs esa l'emprim da sclerir sche ils geniturs en connex cull'instrucziun da lur uffants vulessan daventar danovamain commembers da nossa baselgia. Sche quai nun è betg il cas, duess vegnir concludì, ch'els pajan per l'instrucziun religiosa da lur uffant in terz da las impostas da baselgia. Er sch'ina tala curvegna na fiss betg pussaivla, na vegn nagin uffant e nagin giuvenil a vegnir exclus da l'instrucziun da religiun e da confirmands.

4. Battaisem, confirmaziun

I dat singuls cas che geniturs ch'èn sortids da la baselgia, giavischan tuttina il battaisem da lur uffant. En il discurs da battaisem esa da mussar via che l'adiever d'in servetsch ecclesiastic vala tenor nossa costituziun da baselgia sco reentrar en la baselgia chantunala.

Sche ils geniturs refusan quai, esi da sclerir tgenina part dals geniturs è pronta da pisserar per l'educaziun cristiana da l'uffant. La decisiun vegn adina ad esser a favur da l'uffant.

Areguard la confirmaziun è da considerar en prima lingia la voluntad dal confirmand resp. da la confirmanda. En sia situaziun vala la confirmaziun al giuvenil forsa dapli co che quai fiss il cas pro auters. Ella è in cler as pusiziunar en la raspada cristiana, e quai independentamain da la posiziun dals geniturs envers la baselgia chantunala.

Cussegl da la baselgia evangelica dal Grischun: president: R.Parli. actuar: H.Marx"

Intimizaziun als consistoris ed als colloquis

Il Cussegl da baselgia supplitgescha ils consistoris ed ils colloquis da controllar las *“Recumandaziuns davart la moda d’exequir casualias pro persunas sortidas da la baselgia”* (214). El giavischa da responder a las dumondas suandantas:

1. Tge experiencias han fatg las plaivs cun la recumandaziun en vigur (214)?
2. Nua vesan ils colloquis il basegn da reveder la recumandaziun 214 ?
3. Cun tgeninas situaziuns vegnan cunfruntadas las plaivs e las pravendas en il colloqui?
4. Per tgeninas situaziuns concretas mancan recumandaziuns a las plaivs?
5. Duain persunas sortidas da la baselgia en princip pudair far adiever da servetschs ecclesiastics?
6. Tge posiziun prendan ils colloquis envers in regulativ da taxas da la baselgia chantunala ?
7. Quant grondas duessan esser eventualmain las taxas?
 - taxas simbolicas da frs. 100,- per casualia;
 - tenor regulativ da remplazzaments singuls;
 - taxas che cuvran ils custs da frs. 1'000,- fin 1'500,- per casualia.

Ulteriur proceder

Il Cussegl da baselgia vegn a reveder las recumandaziuns areguard la moda d’exequir casualias per betg commembers. El tschertga ina soluziun omogena per la baselgia chantunala, tant inavant che quai è pussaivel considerond ils protocols colloquials.

2. Urden da gestiun per la cumissiun da recurs (710)

Situaziun da partenza

A la sinoda 2004 a Filisur ha rev. David Gredig fatg la suandanta proposta: “Il Cussegl da baselgia vegn incumbensà dad elavurar in’ordinaziun executiva per la cumissiun da recurs suenter art. 33 da la constituziun e dad examinar la confurmadad a la constituziun dal art. 817.4”.

La presidenta dal Cussegl da baselgia, Lini Sutter, ha cumprovà en sia resposta la confurmadad a la constituziun dal punct 4 da las “Directivas per la nova structuraziun da las plaivs e da las pravendas” (817). Ella ha declerà la significaziun juridica da l’expressiun “en ultima istanza”, sch’ella stat en leschas. L’encletga teologica da “en ultima istanza” maina en quest cas a malencletga.

Il Cussegl da baselgia è stà perencletg dad acceptar la proposta e da far elavurar disposiziuns executivas per la cumissiun da recurs. El ha declerà da prim davent che il president da la cumissiun da recurs saja dad integrar en questa lavur.

Suenter questas decleraziuns ha la sinoda acceptà la proposta Gredig cun 91 : 0 vuschs.

Proceder dal Cussegl da baselgia

Il Cussegl da baselgia ha supplitgà il president da la cumissiun da recurs, dr. Andrea Brüesch, dad elavurar in sboz per l’urden da gestiun da la cumissiun da recurs da la baselgia chantunala. Il sboz cun commentari dat il Cussegl da baselgia ussa vinavant als colloquis per prender pusiziun.

Intimaziun als consistoris ed als colloquis

Il Cussegl da baselgia supplitgescha ils consistoris ed ils colloquis da discutir il sboz per l’urden da gestiun per la cumissiun da recurs da la baselgia

chantunala ed il commentari latiers. Il resultat da la discussiun ed eventualas propostas van ensemen cun il protocol colloquial al Cussegl da baselgia.

Ulteriur proceder

Suenter la consultaziun en ils colloquis va questa tractanda per la consultaziun a la sinoda a Grono. Il Cussegl grond evangelic discuta l'urden da gestiun da la cumissiun da recurs en sia sessida dals 8 november e til metta en vigur.

II. Rapports colloquials

3. Nova structuraziun; rapport da las gruppas da lavur colloquialas

Il Cussegl da baselgia vul cuntinuar cun las infurmaziuns vicendaivlas davart las discussiuns en connex cun la nova structuraziun. Perquai supplitgescha el ils colloquis da rapportar per mauns dal protocol colloquial. Ils rapports duain responder a las dumondas suandantas:

- Nua èn sa radunadas l'onni passà gruppas da lavur?
- Tge incumbensa han las gruppas da lavur?
- Tge conclusiuns u resultats pon vegnir nomnads?
- Tge difficultads novas s'han mussadas?
- Consistoris che han discutà u tut mesiras en lur plaivs, vegnan er supplitgads da rapportar lasura.

Il Cussegl da baselgia vegn a metter a disposiziun ils protocols colloquials a tut ils presidents colloquials. El è da l'idea che i saja impurtant, che i vegnan ramassadas e barattadas pli bleras experienzas pussaivlas durant la fasa transitorica enfin la fin 2007.

4. Provisiuns

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questas provisiuns. Il rapport va ensemen cun il protocol colloquial al Cussegl da baselgia. Cumpareglia la constituziun da baselgia art. 21 cifra 6.

5. Organisaziun da l'instrucziun da religiun

Ils colloquis survaglian e coordineschan l'instrucziun da religiun en las plaivs.

Per che ils colloquis possian accumplir lur incumbensa, ston quels vegnir orientads a temp davart eventualas difficultads, che pudessan sa mussar tar las plaivs en connex cun il observar ils reglaments legals.

Il Cussegl da baselgia supplitgescha ils colloquis da far questas retschertgas en vista a l'onn scolastic 2006/2007 pli spert pussaivel. En il colloqui da primavaira vegn il incumbensà, resp. la incumbensada per dumondas d'instrucziun da religiun a dar ina survista generala davart la situaziun da l'instrucziun en basa ad ina retschertga tar las plaivs, per pudair eliminar eventualas difficultads avant ch'i cumenza il nov onn da scola.

Il Cussegl da baselgia renda attent, che ils reglaments areguard l'instrucziun da religiun valan per tut las scolas.

6. Rapport dals incumbensads colloquials per ecumena, missiun e svilup (EMS)

Il Cussegl da baselgia supplitgescha ils colloquis, da dar temp a las personas incumbensadas per ecumena, missiun e svilup (EMS) per lur rapport. Ils incumbensads colloquials èn, sco commembers da la cumissiun chantunala EMS, intermediaturs tranter las activitads colloquialas e quellas chantunalas. En questa funcziun pon els dar impuls impurtants per tuttas duas varts.

7. Vistaziun d'archivs

Las visitaziuns extraordinarias dals archivs da las plaivs tar midadas da reverendas vegnan fatgas dapi l'atun 1991 dad in commember da la cumissiun d'archiv.

Il Cussegl da baselgia supplitgescha a las suprastanzas dals colloquis da infurmar al president da la cumissiun d'archiv, rev. Hans Luzius Marx, Giacomettistrasse 28, 7000 Cuir (tel. 081 284 89 43), avant che in(a) reverenda u in(a) provisur(a) parta. Quest arranscha la visitaziun.

Il rapport da la visitaziun va cun dus exemplars al colloqui pertutgant. Il Cussegl da baselgia supplitgescha da trametter il rapport da las visitaziuns d'archivs extraordinarias fatgas davent da l'atun 2004.

Visitaziun ordinaria dals archivs. L'onn 2005 ha gi lieu ina visitaziun generala da tut ils archivs da las plaivs. Il stadi dals archivs è generalmain bun. Il Cussegl da baselgia engrazia a tut ils visitaturs ed a tuts respunsabels d'archivs per lur lavur fidada.

8. Lavur en la diaspora

Tenor art. 8 dal „Reglament davart la commembranza ecclesiastica da concretaivels evangelics en vischnancas politicas senza plaiv evangelica (reglament per las diasporas)” han ils resp. las reverendas da plaivs cun incumbensas en diasporas, da rapportar al colloqui da primavaira sur da lur lavur en la diaspora. Ina copia da mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

9. Propostas per cudeschs

Ils colloquis pon proponer cudeschs per la biblioteca pastorala evangelica e trametter lur giavischs cun il protocol colloquial a l'actuariat dal Cussegl da

baselgia. Er il bibliotecar, rev. Peter Niederstein, Forellenweg 22, 7015 Tamins, tel. 081 641 37 94, prenda encunter propostas.

10. Propostas electoralas per mauns dal Cussegl grond evangelic

Propostas per la cumissiun preparatorica

En la sessiun da primavaira dal Cussegl grond evangelic è da tscherner ina cumissiun preparatorica da tschinch commembers pel tractandum "Urden da gestiun per la cumissiun da recurs" (710). Il Cussegl da baselgia supplitgescha ils colloquis da numnar ils proponids en il protocol.

Propostas per la costituziun dal Cussegl e per las cumissiuns permanentas

L'onn 2006 han lieu las tschernas da renovaziun e l'elecziun confermativa dals commembers da Cussegl grond evangelic. La durada d'uffizi dal parlament ecclesiastic sa drizza suenter quella dal Cussegl grond politic (guarda costituziun da la baselgia art.26 cifra 2).

Quai signifitgescha: Il Cussegl grond evangelic sa raduna als 7 zercladur/gün en cumposiziun veglia. La nova durada d'uffizi cumenza als 1 avust. Ils colloquis elegian u conferman lur delegats en atun. Als 8 november ha lieu l'emprima sessida dal Cussegl grond evangelic en sia nova cumposiziun. En quella sessida sa constituescha il Cussegl grond evangelic.

Per deputads e deputadas politicas che èn commembers dal Cussegl grond evangelic vala il medem. Las elecziun han bain lieu la fin da matg, ma la perioda d'uffizi cumenza pir als 1 avust. Per quel motiv sa raduna il Cussegl grond evangelic als 7 zercladur en cumposiziun veglia. Novs commembers dal Cussegl grond politic che sa decleran prunts da collavurar en il Cussegl grond evangelic, prendan part en quest gremi per l'emprima giada als 8 november.

Resumaziun: En l'onn d'elecziun sa raduna il Cussegl grond evangelic da primavaira en cumposiziun veglia e d'atun en cumposiziun nova.

Conclusiun: Las propostas electoralas per la constituziun dal Cussegl grond evangelic e per las cumissiuns permanentas vegnan fatgas en ils colloquis d'atun. Er ils delegats colloquials vegnan elegids d'atun.

11. Renovaziun da la permissiun da predicatur(a)s laic(a)s

En il „Reglament davart la permissiun al servetsch pastoral en Grischun“ vegn reglà en art. 7 il surpigliar da tscherts servetschs uffizials tras laics resp. laicas.

Il Cussegl da baselgia dat la uschenumnada permissiun a predicaturs laics, resp. predicaturas laicas, sche ina plaiv propona in/-a da ses commembers e sche il colloqui tras votaziun secreta decida da surdar la proposta al Cussegl da baselgia. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun.

Perquai supplitgescha il Cussegl da baselgia ils colloquis da prender posiziun en il protocol davart la renovaziun da las suandantas permissiuns en lur territori colloquial. La renovaziun succeda en la tschentada dal fanadur/lügl dal Cussegl da baselgia.

Coll. I Sur igl uaul Edi Wäfler, Domat/Ems

Coll. II Schons-Avers-Val Rain-Moesa

Coll. III Sut igl uaul

Coll. IV Cuirra Georg Rudin, Cuirra

Coll. V	Signuradi-Tschintg vitgs	Hanspeter Joos, Malans Ruedi Kuoni, Landquart
Coll. VI	Scanvetg-Churwalda	
Coll. VII	Engiadin'Ota-Bregaglia-Poschiavo-Surses	
Coll. VIII	Engiadina Bassa-Val Müstair	
Coll. IX	Partens	
Coll. X	Tavau-Alvra	

12. Novas propostas

Il Cussegl da baselgia supplitgescha ils actuars resp. las actuaras dals colloquis da notar dapersai en il protocol - cun il resultat exact da la votaziun - propostas per **novas tractandas** inoltradas da la radunanza colloquiala al Cussegl da baselgia per vegnir tractandadas da quest (guarda art. 21 cifra 3 da la constituziun da baselgia).

Il protocol sto mussar cleramain, sche quai sa tracta d'ina proposta dal colloqui tenor art. 21 da l'urden da gestiun dal Cussegl da baselgia u d'ina proposta d'ina singula persuna tenor art. 23 dal medem urden. Betg da numnar sut questa cifra èn propostas dals colloquis areguard las tractandas publitgadas dal Cussegl da baselgia.

III. Communicaziuns

13. Resumaziun dals resultats dals colloquis d'atun 2005

Il Cussegl da baselgia resumescha ils protocols areguard las tractativas dals ultims colloquis.

Revisiun da l'urden da gestiun dal Cussegl grond evangelic 510

Ina cumissiun preparatorica da set commembers dal Cussegl grond evangelic aveva sut il presidi da deputà Martin Jäger preparà ina proposta per la revisiun da l'urden da gestiun. Tuts diesch colloquis entran en la proposta. Singuls colloquis decidan midadas dal cuntegn. Il quorum da dus terz per la competenza da decider para fitg aut. La renunzia a l'elecziun da remplazzants na vegn betg acceptada da tuts. L'augment dals commembers da cumissions preparatoricas da tschintg a set vegn refusada d'in colloqui.

In colloqui s'infurmescha suenter la clav per l'elecziun dals delegats colloquials en il Cussegl grond evangelic. I vala la clav da fin qua: a mintga colloqui tocca almain dus mandats ed ils mandats restonds vegnan calculads a man dal numer da commembers d'in colloqui. Il numer total dals delegats colloquials è sessanta (guarda constituziun art.25 cifra 2).

Resguardond las midadas nomnadas acceptan tut ils colloquis la proposta da la cumissiun preparatorica senza cuntravusch.

Er quest tractandum va per la consultaziun a la sinoda. En sia sessiun dals 8 november vegn il Cussegl grond evangelic a repassar ses urden da gestiun. Suenter po el entrar en vigur.

14. Rapport da l'incumbensada dal Cussegl da baselgia per migraziun, integraziun e fugitivs (MIF)

L'onn passà avevan lieu duas occurenzas. La dumengia dals fugitivs è vegnida concepida ensemen cun la plaiv da Schiers e cun tamils.

En settember ha l'incumbensada MIF ensemen cun il post d'integraziun da la Caritas organisà ina dieta cun il titel: "Derivanza estra – avegnir cuminaivla". Il cuntegn da questa dieta era il barat d'ideas e la collavuraziun dad organisaziuns che s'engaschan per l'integraziun da migrant(a)s.

Quest onn è la dumengia dals fugitivs als 18 zercladur. Infurmaziuns pel tema e propostas concretas trametta il HEKS directamain a las pravendas.

En il centrum da las activitads stan quest onn il **giubileum da 60 onns dal HEKS e 20 onns da la societad "Agid per asilants"**. Quest'ultima maina il "Post da cussegliaziun per asilants" a Cuir. Quest post vegn sustegnì finanzialmain tranter auter dal HEKS e da nossa baselgia chantunala. Or da quest motiv organisescha l'incumbensada MIF in'excursiun d'in di inter al center d'accoglientscha a Kreuzlingen sco er al post da cussegliaziun juridica per asilants dal chantun Turgovia. Ils participants sa fan in'idea da la pratica d'asil e da la lavur d'in post da cussegliaziun per asilants. L'excursiun è previssa per venderdi, ils 23-4-2006. Infurmaziuns, era d'ulteriuras occurenzas areguard ils dus giubileums, vegnan tramessas en marz.

Daniela Troxler, Schiers, incumbensada MIF. daniela.troxler@gr-ref.ch Tel. 081 328 19 79.

15. Arranschaments colloquials

Las conferenzas pastorals, las retrattas, ils arranschaments per sa scolar inavant, las festas cirquitalas ecclesiasticas e las sairadas colloquialas han - tenor ils protocols da l'atun 2004 enfin l'atun 2005 - tractà ils suandants temas:

Colloqui I Sur igl uaul

- November 2004: Conferenza evangelica "baselgia – cultura - musica"
- Conferenzas pastorals en novembre 2004; favrer, mai, settember 2005; retratta: november 2005.
- Mai 2005: festa cirquitala a Domat/Ems

- Sairada informativa per collavuraturas e collavuraturus davart ils texts dad Accra (giustia economica ed ecologica), davart la Charta Oecumenica e davart la protecziun da la dumengia
- Di da preparaziun pels respunsabels dal di d'uraziun mundial
- Lectura concertanta "Esperanza" cul Grupo Sal

Colloqui II Schons-Avers-Val Rain-Moesa

- Festa populara a Mesocco
- Conferenza pastorala ensemen cul colloqui III

Colloqui III Sut igl uaul

- Conferenzas pastoralas: chanzun dal mais cuminaivla, acziun Pan per tuts, acziun WEF, referat dad Eugen Voss areguard il tema: Russia e la baselgia ortodoxa

Colloqui IV Caira

- Scolaziun regulara dallas catechetas e dals catechets
- Svilup dal team: tschentadas regularas dal collegi dals reverendas
- Consistori: Durant dietas strategicas vegn ponderà e modifitgà l'organisaziun dal colloqui

Colloqui V Signuradi-Tschintg vitgs

Differentas gruppas da lavur per furmar in uffizi per instrucziun da religiun e giuventetgna.

Colloqui VI Scanvetg-Churwalden: nagin rapport

Colloqui VII Engiadin'Ota-Bregaglia-Poschiavo-Surses: nagin rapport

Colloqui VIII Engiadina Bassa-Val Müstair

- Conferenzas pastorals:

24 schaner 2005: Situaziun da la baselgia en China (Eleonore Zumbrunn)

13 zercladur 2005: chorals rumantschs (Hans-Peter Schreich)

10 settember 2005: La sutga sco occasiun per schliar bloccadas (Jörg Büchel)

- Intervisium tranter collegas: trais inscunters

- Di da las raspadas a Strada: occurrenza cun cult divin, program per uffants, giantar e visitas portata da la basa

Colloqui IX Partens

- Dieta a Stels dals 19-20 november 2005, tema: „Nossa giuventetgna vala'ns insatge”

Colloqui X Tavau-Alvra: nagin rapport

16. Perfecziunament da trais mais

Per la preparaziun d'in perfecziunament da trais mais per collavuratur(a)s ecclesiastic(a)s durant l'onn 2007 èn impurtants ils quatter puncts suandants:

1. Annunzia tar il Cussegl da baselgia **avant la sinoda 2006** per mauns dal preventiv da la cassa da la baselgia evangelica chantunala. Il Cussegl da baselgia prenda cogniziun da quest' annunzia.

2. Annunzia **al colloqui d'atun 2006** per sclerir ils remplazzaments vicendaivels ed eventuels perfecziunaments da plirs colloquials al medem temp.

3. Dumonda cun il cuntegn dal program da perfecziunament al Cussegl da baselgia **sis mais avant il cumenzament dal perfecziunament**. Questa dumonda sto esser suttascritta da la patruna e dal president dal colloqui. Sin quai dat il Cussegl da baselgia ses consentiment en scrit.

4. Comunicaziun davart la regulaziun dals remplazzaments e dals custs relativs al Cussegl da baselgia **dus mais avant che il perfecziunament cumenza**. Cun questa comunicaziun vegn garanti, che tut ils remplazzaments funcziunan e ch'els vegnan pajads tenor las tariffas usitadas.

Las indicaziuns detagliadas davart il perfecziunament da trais mais stattan scrittas en l' "Urden davart il perfecziunament da collavuratur(a)s ecclesiastic(a)s" (951), ils art. 6 fin 15. Ina versiun curta dalonder è la "Glista da controlla: Perfecziunament da trais mais" en la homepage dal Cussegl da baselgia. www.gr-ref.ch/Service/Publikationen/Formulare.

17. Collecta d'avust

Il Cussegl da baselgia ha destinà la collecta d'avust 2006 per l' "Associazion da las famiglias cun malsauns da schizofrenia".

18. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetschs d'impiegad(a)s ecclesiastic(a)s e da collavuratur(a)s voluntar(a)s. Questa comunicaziun po vegnir communitgada en scrit a l'actuar dal Cussegl da baselgia, a Giovanni Caduff, Loëstrasse 60, 7000 Cuir.

Giubilar e giubilaras survegnan sper la reconuschienscha da la plaiv u dal colloqui ina charta d'engraziament dal Cussegl da baselgia.

Igl è indispensabel, che las communicaziuns al Cussegl da baselgia davart giubileums cuntengnan ils nums entirs e l'adressa precisa. Plinavant sto vegnir notada la funcziun ed ils onns da servetsch.

19. Sinoda 2006 a Grono

La sinoda 2006 a Grono cumenza gievgia, ils 22 zercladur/gün e va fin glindesdi, ils 26 da zercladur.

Il proponent, rev. Klaus-Henning Müller, Cuira, referescha davart il tema: "Cretta – tge è quai? Baselgia senza confessiun". Da la via difficila da la recepziun da las confessiuns da la baselgia veglia e da la refurma enfin a la pratica dal cult divin dad ozendi.

Coreferent è rev. Felix Meier, Pitasch

Predicatur sinodal è rev. Antonio Di Passa, Poschiavo

20. Tschernas a la sinoda 2006

La sinoda ha da far las suandantas tschernas:

Minister synodi 2006

Dumbravuschs 2006

Dirigent(a) 2007

Predicatur(a) sinodal(a) 2007

Proponent(a) 2007

Decanat per la perioda d'uffizi 2007/2010

In commember per la cumissiun da personal

21. Spediziun dals protocols colloquialas

La tschentada dal Cussegl da baselgia, nua che ils protocols dals colloquis vegnan evaluads per pudair preschentar ils resultats a la sinoda, ha lieu ils 27 d'avrigl 2006.

Ils protocols colloquials ston vegnir tramess enfin ils **13 d'avrigl 2006** a l'actuar dal Cussegl da baselgia, Giovanni Caduff, Loëstrasse 60, 7000 Cuir.

Ils protocols dals colloquis d'atun èn d'inoltrar enfin ils **30 da settember 06**.

22. Termins dals colloquis da primavaira 2006

I	Sur igl uaul	mesemna, ils 22-03
II	Schons-Avers-Val Rain-Moesa	gievgia, ils 16-03
III	Sut igl uaul	mesemna, ils 22-03
IV	Cuir	glindesdi, ils 04-04
V	Signuradi-Tschintg vitgs	mesemna, ils 08-03
VI	Scanvetg-Churwalda	mesemna, ils 15-03
VII	Engiadin'Ota-Bregaglia-Poschiavo-Surses	mesemna, ils 15-03
VIII	Engiadina Bassa-Val Müstair	mesemna, ils 29-03
IX	Partens	mesemna, ils 29-03
X	Tavau-Alvra	mesemna, ils 22-03

23. Sessiuns dal Cussegl grond evangelic 2006

- Mesemna, ils 7 da zercladur/gün 2006 (suntermezdi)
- Mesemna, ils 8 da november 2006 (l'entir di)

24. Termins dals colloquis d'atun 2006

Il Cussegl da baselgia supplitgescha ils actuars e las actuaras da notar en il protocol ils termins dals colloquis d'atun 2006.

Cussegl da baselgia evangelic

Cuir, schaner 2006

Lini Sutter

Giovanni Caduff

presidenta

actuar